



**CONVENIO DE COLABORACIÓN ENTRE O EXCMO. CONCELLO DE VIGO A EXCMA DEPUTACIÓN DE PONTEVEDRA PARA A REALIZACIÓN DAS OBRAS DE REMODELACIÓN DO ESTADIO MUNICIPAL DE FUTBOL DE BALAIOS.**

En Vigo a 8 de xullo de 2015

**REUNIDOS:**

Dunha parte, Don Abel Caballero Álvarez, Alcalde-Presidente do Concello de Vigo, na representación do Concello de Vigo que lle atribúe o artigo 124.4.a) da Lei 7/1985, de 2 de abril, Reguladora das Bases do Réxime Local.

Doutra parte, Don Rafael Louzán Abal, na súa condición de Presidente da Excma. Deputación Provincial de Pontevedra, actuando en virtude das competencias que lle atribúen o artigo 34.1.b) da Lei 7/1985, de 2 de abril, Reguladora das Bases de Réxime Local.

As partes comparecentes recoñécense mutuamente plena lexitimación, capacidade e representación para a sinatura do presente convenio de colaboración, e a estes efectos, en base ós principios de colaboración, cooperación, coordinación e eficacia que deben presidir as actuacións das Administracións Públicas.

**EXPOÑEN**

I.- Que o artigo 25. 2. 1) da Lei 7/1985, de 2 de abril, reguladora das Bases de Réxime Local atribúe ás Administracións municipais competencia en materia de promoción do deporte e instalacións deportivas.

O art. 57 da LRBRL e 195 da LALGA, prevén a cooperación económica, técnica e administrativa entre a Administración Local e a Administración do Estado e das Comunidades Autónomas, tanto en servizos locais coma en asuntos de interese común. As formas e termos da colaboración serán os previstos nas Leis, podendo ter lugar mediante consorcios ou convenios administrativos que subscriban as partes.

O art. 88 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común (LRJPAC) establece que as Administracións Públicas poderán celebrar acordos, pactos, convenios e contratos, con persoas tanto de dereito público como privado, sempre que non sexan contrarios ao ordenamento xurídico.



A Lei 5/1997, de Administración Local de Galicia, no seu artigo 80.2.n, regula como unha competencia local, a xestión de actividades e instalacións culturais e deportivas e a ocupación do tempo libre.

O artigo 4 do texto refundido da Lei de Contratos do Sector Público, aprobado polo Real Decreto Lexislativo 3/2011, de 14 de novembro, regula como excluídos do ámbito subxectivo do TRLCSP, os convenios de colaboración que celebre a Administración Xeral do Estado coas entidades xestoras e servizos comúns da Seguridade Social, as Universidades Públicas, as Comunidades Autónomas, as Entidades locais, organismos autónomos e restantes entidades públicas, ou os que celebren estes organismos e entidades entre si, salvo que, pola súa natureza, teñan a consideración de contratos suxeitos a esta Lei.

II.- Que no exercicio das súas atribucións en materia deportiva, son obxectivos do Concello de Vigo:


- Colaborar na consolidación dunha rede de infraestruturas deportivas aberta a participación do maior número de entidades deportivas.
- Optimizar os recursos das infraestruturas deportivas existentes na cidade, mellorando as condicións e a capacidade das mesmas.

III.- Que o art. 36.1) da Lei 7/1985, de 2 de abril, reguladora das Bases de Réxime Local encomenda ás deputacións o aseguramento da prestación integral e adecuada dos servizos de competencia municipal; competencia en relación coa cal a Deputación Provincial de Pontevedra ten previsto na súa planificación a mellora das infraestruturas dos equipamentos deportivos dos concellos da provincia.

IV.- Que a importante proxección da imaxe pública da cidade de Vigo que implica a militancia do Real Club Celta nas máis altas divisións do fútbol español, así como a significativa incidencia directa da actividade deste club deportivo en sectores económicos de cidade, representan na actualidade un dos elementos máis relevantes do sistema deportivo da cidade, o cal leva implícito a necesidade de contar cun recinto deportivo adecuado as necesidades deportivas, técnicas e sociais, da actualidade.

V.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os artigo 6 e seguintes da Lei 30/92, de 26 de novembro, de Réxime Xurídico das Administracións Públicas e do Procedemento Administrativo Común, e, no que ao presente caso importa, o artigo 198. 3 da lei 5/1997, de 22 de xullo, de administración Local de Galicia, de acordo co cal as Deputacións provinciais poderán subscribir cos municipios da provincia convenios para garantir o acceso da poboación ao conxunto dos servizos municipais e a maior eficiencia na prestación destes.

VI.- Que en base ás precedentes consideracións e ao interese social e deportivo que para a cidade de Vigo representa esta actuación, o Concello de Vigo e a Deputación



Provincial de Pontevedra, conveñen a súa colaboración no ámbito deportivo, co obxecto de desenvolver un programa de actuación para a remodelación e modernización do ESTADIO DE FUTBOL MUNICIPAL DE BALAIOS, e as partes acordan a subscripción do presente convenio, consonte os seguintes:

**PACTOS:**


**Primeiro: Obxecto do Convenio:**

1.- É obxecto deste convenio, establecer as pautas de colaboración entre o Concello de Vigo e a Deputación Provincial de Pontevedra para a realización das obras de remodelación e modernización do ESTADIO DE FUTBOL MUNICIPAL DE BALAIOS na cidade de Vigo.

2.- As actuacións vinculadas a este convenio atópanse definidas dentro do PLAN DIRECTOR DE REMODELACIÓN E MODERNIZACIÓN DO ESTADIO DE FUTBOL MUNICIPAL DE BALAIOS, contratado polo Concello de Vigo (anexo I deste convenio).

3.- A Xunta de Goberno Local do Concello de Vigo, en sesión extraordinaria e urxente celebrada o 15 de decembro de 2014, Aprobou o PLAN DIRECTOR DE REMODELACIÓN E MODERNIZACIÓN DO ESTADIO MUNICIPAL DE FUTBOL DE BALAIOS, redactado polo Arquitecto D. Pedro de la Puente Crespo, coa finalidade de servir de referencia as actuacións para a súa remodelación e modernización, e convertelo nunha referencia deportiva e turística da Cidade. Dito Plan Director recolle as actuacións previstas como necesarias aos indicados fins, agrupadas e secuenciadas de xeito ordenado para evitar retrasos e interferencias coa actividade habitual da instalación deportiva. O seu orzamento estimado total é de 29.453.535,80 euros, e de forma xeral da resposta as seguintes necesidades:

- Recoller todas as propostas realizadas polo Concello de Vigo e o Real Club Celta de Vigo como usuario das instalacións, en relación á remodelación e modernización integral do Estadio Municipal de Fútbol de Balaios.
- Recoller unha planificación de execución por fases en relación a cada unha das catro gradas do estadio: "Río", "Tribuna", "Marcador" e "Gol".
- O importe estimado para a execución global das actuacións previstas no Plan Director na súa totalidade, ascende a cantidade de 29.693.786,00 euros.
- Establecer un horizonte temporal para a execución do Plan que sexa compatible coas limitacións da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira.



<b>Plan director de ejecución obras</b>	<b>Total</b>
Grada de Río	4.240.250,88
Grada Tribuna	4.500.000,00
Grada de Preferencia	2.211.589,28
Grada de gol	9.370.973,26
Grada de marcador	9.370.973,26
<b>Total</b>	<b>29.693.786,68</b>

**Plan de financiamento das actuacións a executar por parte do Concello de Vigo e a Deputación Provincial de Pontevedra en relación as Gradas de Río e Tribuna:**

<b>Importe total da financiación conxunta para as actuacións na grada de Río e Tribuna 2014/2015</b>	<b>Total</b>
<b>Total</b>	<b>8.740.250,88</b>

4.- A execución do plan director en relación as gradas de Río e Tribuna, estará condicionada polos plans temporais de cada un dos proxectos, e o propio plan que presente a empresa ou empresas contratista gañadora de cada un dos proxectos.


5.- En relación ao obxecto xeral do convenio, e como fundamento de execución do mesmo en base aos principios de colaboración, cooperación, coordinación e eficacia que deben presidir as actuacións das Administracións Públicas, as partes asinantes deste convenio propoñen a súa execución a través dos compromisos que se recollen nas seguintes cláusulas:

**Segundo: Obrigas para o Concello de Vigo:**

1.- O Concello de Vigo, será o responsable de coordinar a definición definitiva do plan director de actuación, en base ao plan que se presenta como anexo a este convenio, e que establece unha actuación global para a totalidade do Plan Director valorada en 29.693.786,00 €. Dita contía engloba os gastos de redacción e dirección facultativa do proxecto.

2.- Para o financiamento do proxecto global do Plan Director, o Concello de Vigo comprométese o desenvolvemento das xestións oportunas con outras Institucións ou Entidades publicas ou privadas, co obxecto de atopar propostas de colaboración económica para o cofinanciamento do presente Plan Director.

3.- No desenvolvemento destas xestións, o Concello de Vigo no marco da relación xurídico-patrimonial que ten asinada co Real Club Celta de Vigo, SAD, na súa condición



de entidade usuaria en exclusividade do “Estadio Municipal de Balaidos”, xestionará as propostas de actuacións conxuntas. No caso de que o Real Club Celta propoña a execución directa dalgunha fase do proxecto, esta terá que ser susceptible de entregar ao servizo ou finalidade concreta. En todo caso, requirirá do Concello de Vigo a aprobación do proxecto concreto e a autorización para a execución das devanditas obras, e verificará que as mesmas se axustan a unha parte concreta con sustentividade propia no marco do Plan Director.

A Xunta de Goberno Local con data 28 de xaneiro de 2015, aprobou un convenio de colaboración entre o Concello de Vigo e o Real Club Celta de Vigo, SAD, para a execución das actuacións comprendidas no Plan Director de Remodelación e Modernización do Estadio de Balaidos. Dito convenio entre outras consideracións contempla o compromiso por parte do Real Club Celta SAD de contratar, executar e pagar, ata a cantidade máxima de 2.000.000,00 euros (dous millóns de euros), os estudos, proxectos, obras e demais actuacións complementarias, necesarias para a execución do “Plan director de remodelación e modernización do Estadio de Fútbol Municipal de Balaidos”.


O Real Club Celta de Vigo, no marco do citado convenio co Concello de Vigo, procedeu a contratación do Arquitecto D. Pedro de la Puente Crespo, para la redacción dos proxecto de obra referidos o ámbito da grada de Tribuna.

4.- Os compromisos de financiamento con outras Entidades ou Institucións, se formalizaran como adendas a este convenio. A consecución de novos recursos doutros axentes públicos u privados ao cofinanciamento, terá unha aplicación directa na minoración do importe global da actuación do Plan Director, o cal establecerá o importe definitivo a cofinanciar entre o Concello de Vigo e a Deputación Provincial de Pontevedra, o cal terá unha proporcionalidade do 50 % do importe definitivo.

(Importe definitivo= Importe global proxecto – importe compromisos de cofinanciación).

5.- O Concello de Vigo, como titular do “Estadio Municipal de fútbol de Balaidos”, asume as responsabilidades de contratación, dirección e execución das obras de acordo co TRLCSP, para o cal as aportación económicas vinculadas o obxecto deste convenio faranse directamente ao Concello de Vigo,

6.- Cada un dos proxectos que conforma o PLAN DIRECTOR DE REMODELACIÓN E MODERNIZACIÓN DO ESTADIO DE FUTBOL MUNICIPAL DE BALAIOS, en relación as aportacións vinculadas a este convenio, serán licitados cando o Concello teña asegurada a totalidade do financiamento por parte dos axentes que asuman os compromisos para cada un dos proxectos.



7.- Cada un dos proxectos que conforma o obxecto contractual, poderá preverse a realización independente de cada unha das seus partes mediante a súa división en fases, sempre que estas sexan susceptibles de utilización ou aproveitamento separado e constitúan unha unidade funcional, ou así o esixa a natureza do obxecto.

8.- Os proxectos que conforman as distintas gradas, conforman prestacións que gozan dunha sustantividade propia que permita unha execución separada e dunha utilización ou aproveitamento separado, e cada unha constitúe unha unidade funcional.

9.- Nos casos previstos nos parágrafos anteriores, as normas procedimentais e de publicidade que deben aplicarse na adxudicación de cada fase determinaranse en función do valor de cada unha delas

**Terceiro: Aportacións económicas do Concello de Vigo ao proxecto.**

**3.1.- Grada de Río.**

En relación coa primeira fase da Grada de Río, a Xunta de Goberno Local do Concello de Vigo, en sesión extraordinaria e urxente do 29 de xullo de 2014, dentro do ámbito do plan director e co carácter de actuacións iniciais, aprobou o proxecto "OBRAS E REFORMA DE CUBERTA DA GRADA DE RÍO E CONSOLIDACIÓN ESTRUCTURAL NO ESTADIO DE BALAIÑOS" FASE 1 E FASE 2" de acordo co PLAN DIRECTOR DE REMODELACIÓN E MODERNIZACIÓN DO ESTADIO DE FUTBOL MUNICIPAL DE BALAIÑOS, de acordo aos seguintes importes:

Fase I:	1.680.000,00 euros.
Fase II:	2.560.250,88 euros.
Total:	4.240.250,88 euros.

**3.1.1.- Grada de Río (Fase I).**


**1.- A FASE I das OBRAS E REFORMA DE CUBERTA DA GRADA DE RÍO E CONSOLIDACIÓN ESTRUCTURAL NO ESTADIO DE BALAIÑOS,** foi licitada polo Concello de Vigo. Esta actuación atende os seguintes importes:

- Redacción do proxecto: 20.432,06 € (executado no ano 2014)
- Licitación do proxecto: 1.680.000,00 €, con cargo ao financiamento do Concello de Vigo coa seguinte consignacións orzamentarias:

Ano 2014: 1.344.567,94 euros.

Ano 2015: 335.432,06 euros.

Dita fase foi adxudicada por acordo da Xunta de Goberno Local de data 12/12/2014 por un importe de 1.136.016,00 €. O cal correspondese a seguinte compromiso de gasto:




Ano 2014: 1.156.448,06 €. (correspondentes a redacción do proxecto e a adxudicación da obra).

O desenvolvemento final das fases de Río e Tribuna leva implícito un axuste técnico e económico das previsións realizadas inicialmente no plan director, pero en todo caso o ámbito de actuación da remodelación e modernización do estadio de Balaidos mantén o mesmo nivel en relación o investimento final, polo cal, por parte do Concello de Vigo se procedeu a adecuacións económica das fases previstas inicialmente, quedando establecida a súa execución, de acordo os seguintes importe:

Actuacións	Previsión inicial Plan Director	Proposta definitiva proxecto de obra
Grada de Río (fase I)	1.680.000,00	1.136.016,00 (de acordo a adxudicación da obra) 59.727,06 (diversos estudos e asistencia técnicas para o desenvolvemento das actuación de execución da obra).
Grada de Río (fase II)	2.560.250,88	2.310.250,88
Grada de Tribuna	4.500.000,00	5.234.256,94
	<b>8.740.250,88</b>	<b>8.740.250,88</b>

3.1.2.- Grada de Río (Fase II).

2.- O Concello de Vigo no desenvolvemento do PLAN DIRECTOR e de acordo coa necesidade dos axustes técnicos e económicos das fases a desenvolver, aprobou en sesión extraordinaria e urxente da Xunta de Goberno Local de data 17 de abril de 2015, o novo proxecto para as "OBRAS DE REFORMA CUBIERTA RÍO Y CONSOLIDACIÓN ESTRUCTURAL EN EL ESTADIO DE BALAIOS, FASE 2", correspondese coa adecuación por parte do mesmo autor, do proxecto aprobado pola Xunta de Goberno Local do Concello de Vigo, en sesión extraordinaria e urxente do 29 de xullo de 2014. O Novo proxecto, correspondese a adaptación técnica e económica das resolucións construtivas, así como as pautas establecidas no PLAN DIRECTOR DE REMODELACIÓN E MODERNIZACIÓN DO ESTADIO MUNICIPAL DE FUTBOL DE BALAIOS. Este novo proxecto foi redactado a través da empresa GALAICONTROL, pola ENXEÑEIRA DE CAMIÑOS, CANLES E PORTOS TRINIDAD LÓPEZ RODRÍGUEZ, e dirixido polo ENXEÑEIRO INDUSTRIAL MUNICIPAL, XEFE DA ÁREA DE FOMENTO ÁLVARO CRESPO CASAL cun



importe incluído o IVE, de DOUS MILLÓNS TRESCENTOS DEZ MIL DOUSCENTOS CINCUENTA EUROS CON OITENTA E OITO CÉNTIMOS (2.310.250,88 €).

**3.2.- Compromisos de financiación para os proxectos da grada de Tribuna:**

O Concello de Vigo no desenvolvemento do PLAN DIRECTOR e de acordo coa necesidade dos axustes técnicos e económicos das fases a desenvolver, aprobou en sesión extraordinaria e urxente da Xunta de Goberno Local de data 17 de abril de 2015, o “PROXECTO DE EXECUCIÓN DE OBRA DA II FASE DA GRADA DE TRIBUNA E CUBERTA” Dito proxecto foi contratado polo Real Club Celta de Vigo, SAD, o arquitecto D. Pedro de la Puente Crespo. Dito proxecto atopase adaptado as resolucións técnicas, así como as pautas establecidas no PLAN DIRECTOR DE REMODELACIÓN E MODERNIZACIÓN DO ESTADIO MUNICIPAL DE FUTBOL DE BALAIOS. O orzamento base de licitación incluído o IVE ascende o importe de CINCO MILLONS DOUSCENTOS TRINTA E CATRO MIL DOUSCENTOS CINCUENTA E SEIS EUROS CON SESENTA E CATRO CENTIMOS – 5.234.256,64 €.-

**3.3.- Axuste e prórroga de anualidades:**

Co fin de coordinar a previsión orzamentaria das anualidades comprometidas, se por circunstancias excepcionais debidamente xustificadas, as actuacións non puideran ser executadas nos prazos previstos, poderá ser solicitada prórroga nos prazos de execución.


**Resumen dos compromisos de financiamento do Concello de Vigo para as Gradadas de Río e Tribuna:**

Resumen do compromiso dos créditos aprobados polo Concello de Vigo para a financiación das actuacións previstas en relación as obras das fase de Río I e II, así como da Fase II de Tribuna.

Concello de Vigo	2014	2015	Total
Grada de Río (fase I)	1.365.000,00	315.000,00	1.680.000,00
Grada de Río (fase II)		440.125,44	440.125,44
Grada de Tribuna	0,00	2.250.000,00	2.250.000,00
Total comprometido no ano 2014 proxecto e adxudicación.	1.156.448,06		
Pendente	208.551,94 €	3.005.125,44	<b>3.213.677,38</b>

Do cadro anterior despendese o compromiso do Concello de Vigo da aportación dos seguintes importes:





Exercicio 2014: Créditos xa executados:	1.156.448,06
Exercicio 2015 de acordo coa aplicación orzamentaria 9330.632.00.10	3.213.677,38
Total:	4.370.125,44

Dito importe total correspondese co 50% do investimento previsto para o total das fase de actuación nas Gradás de Río e Tribuna.

**Cuarto: Obrigas para a Deputación Provincial de Pontevedra.**

A Excm. Deputación Provincial de Pontevedra comprométese a colaborar no cofinanciamento das actuacións a realizar como obxecto deste convenio, limitando a súa aportación a un máximo do 50 % do “importe definitivo”. Dito importe, que terá a cualificación orzamentaria de subvención de capital, e de acordo o plan de financiamento, será transferido ao Concello de Vigo con carácter finalista para o obxecto deste convenio.

**Quinto: Aportacións económicas da Deputación Provincial de Pontevedra.**

**5.1- Grada de Río.**


A Deputación Provincial de Pontevedra no marco deste convenio, comprométese a aportar para o cofinanciamento das actuacións previstas no PLAN DIRECTOR DE REMODELACIÓN E MODERNIZACIÓN DO ESTADIO DE FUTBOL MUNICIPAL DE BALAIOS, como aportacións para as anualidades do anos 2014-2015, as contías correspondentes a mesma cantidade comprometida polo Concello de Vigo, coa aplicación da proporcionalidade do 50 %, correspondendo a contía prevista para a Grada de Río.

**5.2.- Compromisos de financiación para o proxecto da grada de Tribuna:**

A Deputación Provincial de Pontevedra, comprométese a incluír nos orzamentos para o ano 2015, ou tramitar o correspondente expediente de modificación orzamentaria para a aprobación dos recursos necesarios para dar cobertura o proxecto da grada de tribuna. dentro da porcentaxe do 50 % do “importe definitivo grada de Tribuna”.

**5.3.- Axuste e prórroga de anualidades:**

Co fin de coordinar a previsión orzamentaria das anualidades comprometidas, se por circunstancias excepcionais debidamente xustificadas, as actuacións non puideran ser executadas nos prazos previstos, poderá ser solicitada prórroga nos prazos de execución.



Resumen dos compromisos de financiamento da Deputación Provincial de Pontevedra para as Gradadas de Río e Tribuna:

Actuación	Deputación Provincial de Pontevedra		Total
	2014/2015		
Grada de Río (fase II)	1.365.000,00	755.125,44	2.120.125,44
Grada de Tribuna	0,00	2.250.000,00	2.250.000,00
Total	1.365.000,00	3.005.125,44	4.370.125,44

Dito importe total correspondese co 50% do investimento previsto para o total das fase de actuación nas Gradadas de Río e Tribuna.


Estas actuacións imputaranse contra as aplicacións orzamentarias 15/942.3420.762.58.2014 por importe de 1.365.000,00 € e 15/942.3420.762.58 por importe de 3.005.125,44 €.

**Sexto: Compromiso de financiamento dos proxectos das Gradadas de Marcador e Gol.**

1.- O PLAN DIRECTOR DE REMODELACIÓN E MODERNIZACIÓN DO ESTADIO DE FUTBOL MUNICIPAL DE BALAIOS, contempla para as gradadas de "Marcador" e "Gol" unha inversión global de 18.741.946.52 euros. A execución destes dous proxectos esta inicialmente previsto para as anualidades 2017 e 2018, polo cal, no ámbito do obxecto deste convenio, o Concello de Vigo desenvolverá as xestións oportunas en cumprimento do recollido no "apartado 2 do pacto segundo" deste convenio, co obxecto de vincular acordos con outros axentes financiadores para o desenvolvemento dos proxectos destas dúas gradadas.

2.- O Concello de Vigo e a Deputación Provincial de Pontevedra, se comprometen financiar o importe definitivo dos proxectos destas dúas gradadas que non se atopen vinculados as aportación doutros axentes financiadores. Ditas aportacións sempre terán como referencia proporcional para o Concello de Vigo e a Deputación Provincial de Pontevedra o límite máximo do 50 % do importe definitivo das actuacións para cada entidade.

3.- O desenvolvemento deste apartado, e polo tanto o compromiso de adecuación da financiación correspondente en cada entidade, se iniciará coa presentación por parte do Concello de Vigo dos proxectos de actuación para as gradadas de Marcador e Gol a Comisión de seguimento deste convenio, e coa aprobación dos proxectos de execución pola Xunta de Goberno Local do Concello de Vigo, dentro do ano 2016.



4.- Así mesmo, unha vez se teñan redactados os proxectos e cerrado o seu financiamento deberanse aprobar as correspondentes addendas a este convenio, de conformidade co previsto no apartado 3 do pacto segundo

5.- Na grada de Gol o conxunto dos asentos deberá conformar un mosaico co logo da Deputación de Pontevedra.

**Sétimo: Procedemento para a tramitación do expediente de contratación con financiamento de outras administracións e execución dos compromisos económicos.**

1.- O ter o financiamento do proxecto achegas das dúas administracións asinantes deste convenio, así como da opción de outros axentes financiadores, o Concello de Vigo tramitará para cada unha das fases a executar no proxecto, un só expediente polo órgano de contratación ao que corresponda a adxudicación do contrato, debendo acreditarse naquel a plena dispoñibilidade de todas as achegas, con inclusión dunha garantía para a súa efectividade.

2.- A partir da sinatura do presente convenio, no cal se recollen os compromisos das partes para o financiamento da Grada de Río e a de Tribuna, para a licitación dos proxectos de execución das obras contempladas no plan director e vinculados as actuacións previstas para as anualidades 2014 - 2015, o Concello de Vigo iniciará a tramitación da correspondente modificación orzamentaria que garanta a existencia de crédito para iniciar o expediente de contratación e posibilitar a adxudicación dos contratos.


3.- Unha vez formalizado o preceptivo contrato de obra correspondente as fases que se liciten, o Concello de Vigo lle remitirá a acta de comprobación de replánteo asinada polas partes, coa cal se acreditará o inicio das obras.

4.- A Deputación Provincial de Pontevedra deberá transferir ao Concello de Vigo o compromiso da anualidade en curso da subvención aprobada, de acordo cos seguintes criterios:

α. O financiamento comprometido en relación a obra licitada, atenderá ao importe definitivo derivado da certificación final das obras executadas, o cal terá como límite máximo o importe acordado.

β. A Deputación Provincial de Pontevedra, procederá a tramitar as transferencias correspondéndose coas certificacións de obra executadas, e informadas polo Concello de Vigo á Deputación Provincial de Pontevedra, coas seguintes condicións:

b.1.- Coa primeira certificación, o Concello de Vigo deberá remitir copia do contrato formalizado coa empresa adxudicataria, acta de comprobación do replánteo, así como certificado do acto de aprobación da certificación polo órgano competente.



b.2.- Coa certificación final, acta de recepción e certificado do acordo de aprobación polo órgano competente

b.3.- Así mesmo deberá de xustificarse o cumprimento das obrigas de publicidade derivadas deste convenio.

En todo caso as certificacións de obra serán verificadas polos servizos técnicos provinciais antes de ser aprobadas, como xustificación parcial da subvención.

No caso de presentar xustificante do gasto con facturas remitirase a documentación similar que proceda.

- χ. A execución das transferencias dos importes correspondentes ás Certificacións de obra executada, deberán ser realizadas no prazo máximo previsto no artigo 216 do TRLCSP, a contar dende a notificación por parte do Concello de Vigo dos documentos acreditativos para a execución das transferencias.
- δ. Si se producen desfases nos prazos de execución das obras, en relación aos acordos de financiamento, a Comisión de seguimento poderá propoñer os axustes necesarios en relación aos compromisos das anualidades.
- ε. O desenvolvemento dos compromisos das seguintes anualidades vinculados a este convenio, manterán o mesmo criterio de transferencia definido nos apartados anteriores.


#### **Oitavo: Inspección das obras e xustificación das actuacións:**

1.- As partes resérvanse o dereito a inspeccionar as obras obxecto do presente convenio durante a execución das mesmas, sen prexuízo de que corresponda, en exclusiva ao órgano de contratación e o responsable do contrato a emisión de ordes que incidan no curso das mesmas.

2.- O Concello de Vigo comunicará a Deputación Provincial de Pontevedra a data sinalada para a realización dos actos de levantamento da acta de comprobación do replánteo e de recepción de cada unha das fases de execución das obras obxecto do convenio, por se fose do seu interese asistir aos mesmos, todo elo aos efectos de contar coa suficiente información en relación co grado de cumprimento do convenio e cos compromisos adquiridos.

#### **Noveno: Mantemento dos compromisos iniciais**

As partes asinantes do convenio, comprométese á estabilidade do financiamento inicial con independencia das baixas que se produzan na adxudicación de cada un dos



proxectos que conforman o PLAN, sendo estas aplicadas a garantir o financiamento dos modificados do proxecto e do contrato até o límite fixado nos Pregos de Cláusulas Administrativas, sempre coa supervisión da Comisión de seguimento. As modificacións que se fagan, sempre dentro do importe definitivo que corresponda, deberán dar lugar a tramitación de addendas ó convenio.

**Decimo: Publicidade:**

Co fin de dar notoriedade as actuación obxecto deste convenio, a administración executora (Concello de Vigo) realizará as seguintes actuacións:

- En todas as informacións e documentación de comunicación dos proxectos obxecto deste convenio, incluírá de maneira visible que o financiamento do mesmo realízase conxuntamente entre as administracións asinantes deste convenio, figurando a imaxe corporativa que cada Administración decida.
- Se instalará un panel informativo no ámbito das obras incluídas no obxecto deste convenio que incluírá, ademais dos datos técnicos da obra, que a financiación do mesmo realízase conxuntamente entre as administracións asinantes deste convenio, figurando a imaxe corporativa que cada Administración decida así como a contía aportada en cada fase do Plan.
- Na grada de Gol o conxunto dos asentos deberá conformar un mosaico co logo da Deputación de Pontevedra.

**Decimo primeiro: Comisión paritaria de seguimento.**

1.- Para o seguimento da execución deste convenio, así como para a aprobación dos plans de execución das obras previstas obxecto deste convenio e para a solución das dúbidas que a súa interpretación poida motivar, créase unha comisión integrada polos seguintes representantes das partes:

2.- Dous representantes do Concello de Vigo, e dous representantes da Deputación Provincial de Pontevedra. Así mesmo cada Institución poderá nomear un terceiro representante que terá carácter técnico.

3.- En relación á participación doutras Institucións ou Entidades Públicas ou Privadas, a través da sinatura de adendas a este convenio, esta comisión de seguimento poderá incrementarse coa participación de dous membros por cada unha das adendas asinadas.

4.- De cara a xustificación documental das actuación ante a Deputación Provincial de Pontevedra, o Concello de Vigo presentará no prazo estipulado unha memoria que conterá a seguinte documentación:



4.1.- Memoria xeral na que se recolla o grado de cumprimento alcanzado en relación ao obxecto do convenio.

4.2.- Acordo de adxudicación, licitadores que se presentaron, importe de adxudicación, formalización do contrato, acta de comprobación de replanteo.

4.3.- Certificado xustificativo das contratacións realizadas.

4.4.- Certificado xustificativo das certificacións de obra executadas e aboadas.

4.5.- Acta das xuntanzas celebradas da comisión de seguimento.

4.6.- A comisión de seguimento fixará os actos de visita conxunta ás obras.

**Décimo segundo: Definición do proxecto de actuación:**

En relación ao PLAN DIRECTOR DE REMODELACIÓN E MODERNIZACIÓN DO ESTADIO DE FUTBOL MUNICIPAL DE BALAIOS definido no anexo I deste convenio, e de cara a definición dos proxectos definitivos a contratar, a Comisión Paritaria para o seguimento deste convenio definirá os requisitos mínimos para a mellora das instalacións, sendo responsabilidade do Concello de Vigo a xestión do procesos de redacción dos proxectos.

**Décimo terceiro: Vixencia.**

A vixencia do presente convenio estenderase dende a data da súa sinatura ata o 31 de decembro de 2017, sen prexuízo de que, de mediar algunha causa que o xustifique, poidan ser prorrogados, logo da tramitación do oportuno expediente administrativo.

As restantes obrigas manterán a súa vixencia ata o total cumprimento das previsións establecidas, de modo que se acaden os fins perseguidos por este convenio.


**Décimo cuarto: Denuncia.**

A denuncia, que requirirá o acordo previo do órgano competente da administración que a pretenda, producirá efectos aos noventa (90) días da súa presentación diante da comisión de seguimento á que se refire o pacto noveno, logo da liquidación das obrigas pendentes de cumprir pola parte que a formule.

O incumprimento das cláusulas deste convenio será causa bastante para a súa denuncia.

**Décimo quinto: Réxime aplicable.**

O presente convenio ten natureza administrativa, rexéndose polas súas cláusulas, quedando sometido á Xurisdición Contencioso-Administrativa a falta de entendemento



previo pola Comisión de seguimento citada no pacto noveno, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente Convenio por duplicado e a un só efecto no lugar e data sinalada no seu encabezamento.

Alcalde-Presidente do Concello de Vigo,

Presidente da Deputación de Pontevedra,

Asdo.: Abel Caballero Álvarez

Asdo.: Rafael Louzán Abal

A Secretaria de Goberno Local

O Secretario da Deputación de Pontevedra,

Asdo.: M<sup>a</sup> Concepción Campos Acuña

Asdo.: Carlos Cuadrado Romay